

D E

## C A R C I N O M A T E

## DISSERTATIO

INAUGURALIS MEDICAE

QUAM

CONSENSU ET AUCTORITATE MAGNIFICI  
DOMINI

PRAESIDIS AC DIRECTORIS SPECTABILIS AC PERIL-  
LUSTRIS DOMINI DECANI NEC NON CLARISSIMORUM  
DOMINORUM PROFESSORUM PRO DOCTORIS LAUREA  
SUMMISQUE IN MEDICINA HONORIBUS ET PRIVILE-  
GIIS RITE AC LEGITIME CONSEQUENDIS IN ALMA AC  
CELEBERRIMA UNIVERSITATE HUNGARIAE PUBLICAE  
DISQUISITIONI

SUBMITTIT

MATHIAS TREMPACHER

HUNGARUS BÁTÁSZÉKINO-TOLNENSIS.

---

Theses adnexae publice defenduntur in Palatio Universitatis  
maiori die 2. Junii 1837.

---

B U D A E,

TYPIS REGIAE UNIVERSITATIS HUNGARICAE.

— — Leiden mindern,  
Leben retten, Unglück hindern,  
Thränen trocknen, Schmerzen lindern,  
Unlust und Gefahr nicht achten,  
Nie nach eignem Vortheil trachten,  
Undank nicht scheu'n, nicht Beschwerden,  
Also sei der Arzt auf Erden;  
Wo wird Lohn dafür ihm werden.

K. G. Neumann.

ILLUSTRISSIMO

DOMINO DOMINO COMITI

**CAROLO ESZTERHÁZY**

DE GALANTHA

PERPETUO COMITI IN FRÁKNÓ, SACR. CAES. ET REG.  
APOST. MAIESTATIS CAMERARIO, INCL. COMITATUS  
TOLNENSIS SUPREMO COMITI

etc. etc.

**V I R O**  
**ERÜDITIONE, BENEVOLENTIA, NOBILITATE**  
**CLARO**  
**LITTERARUM ET ARTIUM FAUTORI ET**  
**PROMOTORI INDEFESSO,**  
**MAECENATI SUO MUNIFICENTISSIMO,**  
**IN PIGNUS PROFUNDISSIMAE VENERATIONIS**  
**ET PERENNIS GRATITUDINIS**  
**TENUES HAS PAGELLAS**  
**OFFERT**

**AUCTOR.**

## GENERALIA DE CARCINOMATE.

---

§. 1. **CANCER**, Carcinoma, Carcinus, Noli me tangere, Lupus canerosus, Ulcus canerosum, Cacoëthes, Chironeum, Telephium, Phagedaena (S w e d i a u r) Keloides; (Alibert) Hung. *Fene*, *Rák*, *Rákfene*; Germ. *Krebs*, verborgener und offener Krebs, Krebsgeschwür; morbus ille nuncupatur, qui plerumque tumore et induratione partis cujusdam glandulosae corporis animalis incipit, quae initio parum circumscripta sensibilis est, deficiente auxilio aut sibi relicta mole augetur, ultimoque in ulcus vertitur foedum, quod et in vicinarum partium similem nititur desorganisationem. — Consistit malum hoc in peculiari ac specifica degeneratione et exulceratione partis cujusdam glandulosae, oriturque vel idiopathice e praegresso videlicet scirrho, vel et dispositione carcinomatosa organismo vallidius impacta et sympathice ex aliis etiam levioribus affectionibus e. g. induratione simplicî, ulceribus male tractatis.

§. 2. Observatur morbus hic in partibus organismi illis, quae partes glandulosas recondunt, praecipue in labiis, lingua, mammis, utero etc. Ut tamen affectio primaria sequentia amat organa cutim, textum cellulosum, membranas mucosas, glandulas, nunquam adficit primarie cartila-



gines, tendines, ligamenta articularia, membranas serosas, musculos, licet et haec organa per praesens carcinoma sympathice adfici possunt. Secundarie accedit ad omnia ulcera chronica, hyperorganisationes, excrescentias, quae vel pressione vel irritatione in partes vicinas glandulosas agunt, incongruum et affectionem expositarum tractamen genesi Carcinomatis favet.

§. 3. In genesim Carcinomatis tam primarii quam secundarii potentiae tam externae quam et internae jam seorsim jam et simul agentes conspirant. Requiritur peculiaris ad hunc morbum dispositio, quae saepe haereditate acquisita, saepe congenita, jam et per influxum potentiarum nocentium sub decursu vitae evolvitur. Influit in dispositionem hanc aetas, sic in infantibus teneris evolvitur species canceri peculiaris, cancer aquaticus s. noma quae in labiis sedem figit, et nisi mature impugnetur, labia, dentes imo et maxillam inferiorem devastat; in adolescentia sub specie fungi haematodes comparet, scirrhus autem et cancer medullaris frequentissime aetate provectiore, ut plurimum inter 40 - 60 annum comparent. Dispositio frequentior apud faeminas quam viros, evolvitur autem frequentissime ea vitae periodo ubi vita sexualis jam languere incipit, amor nimius spirituosorum, praecipue apud faeminas sortis inferioris diathesim accelerant. Maximum denique in evolventa dispositione ad carcinoma habent animi affectus excitantes influxum, qui per irritatum systema nervosum, in systema vasorum et glandulosum ita agunt, ut carcinomatis genesi faveant, unde et carcinomate adfecti magis deprehunduntur irritabiles.

§. 4. Ad causas excitantes internas carcinomatis referri merentur: Morbi peculiare systematis lymphatici praecipue dyscrasiae quaedam: Arthritis, syphilis, scrofulae, evacuationum habitualium suppressio, sic menstruorum, haemorrhoidum, secretionis lactis, in genere profluviorum cru-

entorum et mucosorum retentio, animi affectus jam exo-  
tantes, jam deprimentes: Moeror, tristitia, curae, gaudi-  
um nimium, ira; abusus alimentorum nimio aromate con-  
ditorum, sale multo refertorum, digestu difficilium, abusus  
potuum spirituosorum praecipue cremati, remediorum stimu-  
lantium, motus corporis vallidus, vita sedentaria, refrige-  
rium, incalescentia pervigiliae graviditas frequens, exan-  
thematum retropulsio, aër impurus humido — frigidus, ul-  
cerum chronicorum repentina sanatio, hysteria, hypochon-  
dria. — Causis externis adnumerantur: Pressio partis in-  
duratae per vestes angustas, thoracula foeminarum, ictus  
parti induratae illati, hujus morsus, frictio, ope remedio-  
rum stimulantium irritatio, excrescentiarum cutanearum e.  
& clavorum abscissio, adplicatio pessariorum, coitus rudis.  
In Angliâ observatur in purgatoribus caminorum, a fumo  
lithanthracum in scroto excitari speciem quandam inflam-  
mationis, in cujus sequelam exoriuntur verucae, tubercula  
parva, quae successive dolorifica evadunt, inque ulcus foe-  
dum carcinomatosum vertuntur.

§. 5. Quod causam carcinomatis proximam attinet  
haec adhuc penitus est ignota, materiam carcinomaticam,  
quae organismo adplicata carcinoma in parte adfecta produ-  
ceret existere nullatenus comprobatum est; nec assertum  
cel. Löhr, qui causam proximam scirrhi in degeneratione  
peculiari succi genitalis sitam esse statuit, experientia com-  
probavit. Summe probabiliter dispositio quaedam peculiaris  
in organismo animali evolvitur, qua praesente cacochymia  
haec carcinomatosa, praesente quadam induratione ut cau-  
sa excitans in evolutionem carcinomatis agit.

§. 6. Cancer in occultum seu Scirrhum malignum et  
apertum seu ulcerosum dividitur.

---

## Cancer Occultus.

### Scirrhus malignus.

§. 7. In omni parte corporis incipit cum aliqua durtie, forma turberculi initio parvi, sensim incrementis, subinde in molem monstrosam elevandi. Tumor hic durus, sub exordio frigidus est, cuti concolor, mobilis, aequabilis, non sensibilis, nisi forte refrigerio, pressione, abusu spirituosorum, corpore et animo vehementer commoto irritetur, tum comparent in parte illa tumida dolores jam pungentes, jam urentes, periodici. Tumor durus, per menses imo annos in eodem permanet statu, nec functiones organismi turbat, nisi quod pressione mechanica motum partis et circulationem ejus liberam impediat. Dolores antea periodici nunc intenduntur, continui fiunt, diu noctuque seviunt, excitant sensum molestissimum pruritus, ardoris, saepe sunt pungeres, terebrantes, scindentes, aegri accusant sensum acsi aciculis pungerentur, acsi partem adfectam continuo carbo candens ureret, acsi pars infirma canibus morderetur. Tumor sensim durior immobilis fit, inaequalis, tuberosus poliginus, cum cute vicinisque musculis concrescit, vasa circa eum varicose tument, nigricantia sunt, cutis normali colore privatur, fitque initio emmineret rubra, mox plumbei, tum fere nigri coloris, calor partis adfectae et objectivus augetur, cutis attenuatur nimium, tensa est, splendet, rupturam minatur quin tamen fluctuatio, quin potius lapidea saepe tangatur durities.

§. 8. Diagnosis recta Scirrhi maligni multis saepe premitur difficultatibus, ob similitudinem nimiam cum multis aliis tumoribus, tam ratione symptomatum, quam et causarum; momentis tamen anamnesticis, pathognomonicis et pathogeneticis rite inter se pervestigatis, habita ratione durationis, habitus externi coque, quod tumor ad solvendum remedium et efficacissimorum adplicationem non



emendetur, sed potius exasperetur, determinatio morbi iusta facilis.

§. 9. Ope Anatomiae Pathologicae sequens scirrhi maligni apparet structura. Scirrhus omnis componitur e duplici substantia, una duriore, quae efformat partim fibras, partim lamellas, utplurimum alboopacas, in medio adest qua centrum nucleus durior, e quo radiorum instar partes fibrosae, laminosae egrediuntur, dissepimenta cœnstituentes, quae loculamenta efformant, cellulas, cavernas diversae magnitudinis ac figurae; in his loculamentis reperitur substantia alia mollior, utplurimum coloris alboflavescentis, similis gelatinae vel cornu emollito, saepe et substantia medullaris cerebri simillima, ideo et substantia cerebralis vel encephaloidea nuncupatur. — Donec substantia haec immutata manet, eousque scirrhus non producit symptomata, quam quae a pressione dependent, sed citius aut tardius substantia illa evadit mollior, liquidior, quae mutatio incipit in nucleo, inde extenditur ultro, et tum incipiunt symptomata cancri occulti transitum in ulcus carcinomatosum accelerare. — Nec eadem forma comparet in partibus organismi scirrhus, sed variat pro varia partis adfectae organisatione, sic e. g. in partibus glandulosis semper formam refert tumoris duri, in nervis forma nodorum, in membranis mucosis forma polyporum etc. se manifestat. —

§. 10. Praesagium de eventu mali hujus variat, pro vario gradu, sede, individui constitutione, aetate, dispositione, pro varia cum aliis morbis complicatione. Si enim sedem adhuc in una solum glandula scirrhus habeat, si partes vicinae glandulosae, musculares etc. nondum adfectae sunt, si tumor adhuc mobilis, malumque recens et per causas externas solas productum, si individuum est juvenile, morbis non exhaustum, si dispositio exigua, caechymia carcinomatosa organismo nondum impacta, morbus

pro pure topico habendus, prognosisque fausta statuenda. Dum autem jam scirrhus majora coepit incrementa, cum partibus vicinis concrevit, dum jam dolores evadunt contiuini, tumor et in vicinas extensus partes, dum individuum est cachecticum, labe quadam systematis lymphatici gravi affectum, in morbum praesentem magis dispositum, tum cutis tumoris nimium tensa fere nigricans fit vasaque varicose tument, evolutio ulceris carcinomatosi praepediri nequit, prognosisque semper infausta.

§. 11. Cura scirrhi duplex habetur radicalis videlicet et palliativa. — Spes curae radicalis faustae affulget, donec scirrhus est recens, non complicatus, nec ad partes vicinas extensus, procul distante ejus in ulcus apertum transitu. — Perficitur cura radicalis jam resolutione per adplicationem remediorum internorum et externorum, jam operatione chirurgica. Summa primo in casu esset indicatio, causam proximam remove, hoc tamen rarissime in nostra est potestate, cum mutationes internas in metamorphosi vitali, per animi affectus, vitae modum, aetatem etc. productas, per quae experientia teste in carcinoma et dispositio, et ejus evolutio incrementumque sustentantur, non noscamus, cum nos tantum productum, detrimentum, nec ipsum morbosum statum, carcinomatis causam videamus, qua licet saepe detecta unicum tamen solum armata chirurgi manus restat auxilium, quae et ipsa raro effectum coronatur bono, utpotius malorum numerum per regenerationem nodorum scirrhosorum augeat, unde non absque fundamento scirrhus malignus „Noli me tangere“ nominatur. Remotio causarum excitantium primum curae efficiat momentum, sic causae mechanice irritantes, ut pessaria, irritamenta chemica, unguenta, emplastra stimulantia vitanda, animi affectus ingrati componendi, morbi evanidi revocandi, emphraxes organorum abdominalium resolvendae, cachexiae protopathicae per therapiam congruam tollendae



erunt. Ideo nec miramur effectum eximium in resolutione scirrhorum per clysmata Kaemphii, extractum taraxaci, hydrargyrum, ferrum carbonicum, fumum cinnabaris, calendulam officinalem etc.

§. 12. Causis excitantibus remotis, morbo tamen perstante, vel et ubi causae detegi nequeunt, indicatio curae a conditione energiae vitalis desumitur, et sic saepe salutaris hygienae coordinatio, irritamentorum remotio maximam partem curae perficiunt, sic cel. Calissen refert, scirrhus et cancos pharmacis diu rebelles non raro perfecte sanatos fuisse per solam diaetam strictissimam, dum aegris praeter panem et aquam nihil exhibitum fuisset, auctor scholae Gallicae Physiologicae evacuationem sanguinis in hocce morbo plurimum efficere contendit, interim evacuatio sanguinis licet multis in casibus effectus optimi, saepe tamen labefactione virium vitalium malum potius exacerbare valet.

§. 13. Ex remediis proin internis talia semper juvabit eligere, quae casui individuali, causae praedominanti nec non constitutioni aegri respondent, sic dyscrasiae: arthritis, syphilis, psora, haemorrhoides etc. suis impugnantur remediis. In genere ea maxime scopo respondent remedia quae gravi in systema lymphaticum efficientia gaudent, quae crasim humorum restituere, metamorphosis vitalis anomalias emendare, phaenomenaque forte per resorptionem virus carcinomatosi producta relegare valent. Satisfaciunt indicationibus his; purgantia antiphlogistica, praecipue Mercurius dulcis; solventia gummi-resinosa; Galbanum, ammoniacum, Sagapenum, Mercurialibus vel antimonialibus juncta et cum extractis amaris: gentianae trifolii fibr. taraxaci, absinthii, millefolii, aurantium vel sapone in pilulas reducta; Narcotica: Opium, Belladonna, Aconitum, Cicuta, digitalis, dulcamara, Nux vomica; Decocta liquorum, graminis, bardanae, Sasaparillae, Zittmani, Pollini, etc. Sac-

pe prodest applicatio dosi refracta: tartari emet. Kali tart. alcalium, Jodinae, aquae lauroc. tinct. Fowleri, etc. Ast et in horum remediorum usu, magna necessum est uti circumspectione, nec incremente morbi malignitate usus eorum continuandus. Gr. A. Weise (Über Zurückbildung der Scirrhen etc. Leipzig 1829) commendat quae vallidissimum solvens scirrhi remedium carbonem animale, ut qui tumorem resolvat, secretionemque partis adfectae cohibitam restituat, exhibet adultis mane et vesperi Carb. animalis gr. sem. sensim ad grana III. ascendendo pro dosi. Recenter et diæta summe restricta usui Jodii interno juncta commendatur.

§. 14. In casibus multis, ubi malum pure topicum, constitutio organismi laudabilis, dyscrasiae et complicationes cum morbis aliis absunt, ubi resorptio nondum contigit, morbusque causis solis externis productus fuit, sufficit solum externa applicare remedia, quae et in plurimis casibus maximam curae perficiunt partem. — Ad remedia externa referuntur: Vapores et fomenta ex aceto, sulfure, cinnabari, flor. Cham. Sambuci; inunctiones unguentorum: e digitali cum camphora, ungu. mercurialis soli vel opodeldoci juncti, linimenti volatilil camph. cum opio, Ungu. Jodinae, vel cum Kali hydrojodico parati; emplastra resolventia: Ammoniæ, Galbani, Cicutæ, belladonæ, saponato-camphoratum, diaph. Mynsichti, nigrum Becholzii; cataplasmata resolventia e speciebus pro catapl. cum herba cic. hyosc. sem. papav. albi, e herba cardui tomentosi, clematis erectæ, phytolaccae decandreae, bellad. Pulsat. sem. phellandrii aqua. cum aqua saturni parata; fomenta humida e felle tauri inspiss. cum sale ammon. dep. in aqua dest. solutis, extractum cicutæ, aconiti, bellad. cum camphora in spir. Mindereri solutum, Gum. ammon. in acet. squill. solutum. — Juvat sæpe partem adfectam obtegere sacculis aromaticis; e speciebus emoll. cum camphora para-



tis, panno flanelle camphora inlito, pelle cuniculli, Gossypio, linteo moll. Laudatur et compressio ope laminarum agarici intra fasciam compressoriam positi, applicatio Hirudinum, cucurbit. cruentarum, electricitas, galvanismus etc. Saepe graviditas, morbi varii praecipue exorta febris intermittens sanationem produxerunt.

§. 15. Nec tamen his remediis semper inducitur resolutio, quin potius per longiorem eorum usum constitutio egri labefactatur, eruptioque ulceris carcinomatosi adproximatur. Tutius hinc in morbo evoluto omnibus his remediis auxilium operatio chirurgica constituit, cujus faustus eventus sperari potest, si scirrhus non late est diffusus, mobilis, discrasiae nullae praesentes, malumque pure topicum; Ubi e contra individuum in juventute labe serofulosa adfectum fuit, vel dispositione in phthisim laborat, ubi viri, senes potibus spirituosus nimirum indulgent, ubi dispositio ad tubercula, fungum medullarem, melanoses, ubi mala scirrhi similia jam evoluta fuerunt, ubi malum praesens longior praecessit diarrhoea, alvi constipatio, colica; cardialgia, icterus etc. malus semper operationis eventus.

§. 16. Ubi diathesis carcinomatosa cachexiam jam produxit, ubi remedia omnia ad curam morbi radicalem perficiendam incassum tentantur, ubi operatio contraindicatur, cura solum palliativa instituenda erit, quae praecipue circa symptomatum mitigationem, morbi ulteriorem evolutionem praecavendam versatur. Plurimum efficit hic coordinatio recta vitae regiminis, pharmacorum paucissimorum applicatio, hic et cura homoeopathica et magnetismus animalis, quibus licet morbus (etsi id saepius affirmant) non sanatur sed excitata aegri confidentia, excitata ejus spe levamen malo adfertur, effectuari potest.

---

## Cancer apertus.

Cancer exulceratus, ulcerosus, Ulcus carcinomatosum, Carcinoma.

§. 17. Cancer apertus pariter in primarium et secundarium subdividitur. Prior in [sequelam canceri occulti immediate sequitur, posterior oritur ex ulceribus aliis e. g. syphiliticis herpeticis, scrofulosis, excrescentiis cutaneis, condylomatibus, verrucis et polypis, partim irritatis, partim stimulantibus remediis tractatis, partim ob alias nondum satis cognitae causas. —

§. 18. Decursus Carcinomatis primarii sequens observatur: tumor scirrhus magis tenditur, inaequalis excrescentiis refertus conspicitur, cutis prius rubra nunc fusca, attenuatur, splendet, hinc inde finditur, dolores fiunt continui intensissimi; epidermide nunc in pluribus locis tumoris decedente, profluit materia ichorosa, tenuis, bruno-flava, serius fusca, sanguinolenta, acris, rodens, odoris specifici, fortis, cadaverosi, quae acrimonia sua morbo evoluta saepe et oculos irritat; Ichor hic chemice a *Crawford* pervestigatus, multum tenet ammonii et gase hepatici, instrumenta argentea nigro, syrupum violarum viridi tingit colore, addito acido sulf. gas eructat hydrosulfuratum, chloro mixtum odore privatur. — Id characteristici tumor hicce exhibet, quod praegressa cutis ruptura nec duritie nec volumine minuatur, nec dolor mitigetur. Superficies ulceris nimium sensibilis dolorifica inaequabilis est, pluribus parvis jam majoribus nimium sensilibus, saepe spongiosis, partim duris partim mollibus excrescentiis obsessa, marginibus cingitur elevatis plurimum extrorsum raro introrsum flexis, inaequalibus, tuberosis, vasa circa ulcus varicose tument. Sub ulteriori morbi decursu prope sitae glandulae, vasa lymph. et partes vicinae solido-molles in consensum trahuntur, perque transitum in exulcerationem omnem in directionem desorganisantur. Quantitas ichoris

saepe est minor, major sanguinis atri, qui saepe ad libras profunditur, producitur haemorrhagia haec saepe per diabrobrosim, cum per ichorem vasa corroduntur, saepe tamen est productum secretionis morbosae in vasis capillaribus locum habente. Saepe organorum labe hacce adfectorum moles imminuitur, sic inamma sub morbi incremento monstrose tumida successive per consumptionem imminuitur, ita consumitur bulbus oculi in orbita, in cavo pelvis uterus, ut saepe in cadavere vix vestigium ejus reperiatur.

§. 19. Partim ob resorptionem ichoris, partim ob irritationem nervorum, excitantur per cancerum symptomata varia in partibus vicinis ac remotis, sic in cancro mammae adficiuntur organa respirationis, saepe ob morbi in ipsum cavum pectoris extensionem, vel saepe tantum per adfectionem consensualem experiuntur aegridolores in cavo pectoris, dyspnoeam gravem, vexantur tussi violenta cum secretione jam puriformi, jam cruenta. Per cancerum uteri excitantur dolores intensi in toto cavo abdominis cum vomitionibus, vomitu, cum urinae et alvi evacuatione molestissima. Saepe per morbum gravem in quacunque parte residentem, systema nervosum graviter adficitur, unde miseri aegri pervigilio, spasmis, delirio, plurimi gravissima adfliguntur melancholia; processus nutritionis ac sanguificationis fit abnormis, cutis flaccida et pallida cerae albae instar fit, evolviturque labes carcinomatosa, sub qua non raro exoriuntur symptomata febris periodicae, quotidianae, tertianae vel quartanae, quae consuetis antipyreticis non cedunt. Ita morbus excruciat aegrum adhuc per menses - annos, donec evolutis symptomatibus tabis, hydropis. febris hecticae, mors aegri terminet miserias.

§. 20. In cancro aperto, pro diversitate partis adfectae constitutionis aegri et complicationum varia reperitur fabrica. Partes fibrosae ac lamellosae texturam constituunt variam, et nisi partes plurimae per cancerum diu durantem consumtae fuerint, tunc reperitur subinde praeter illam substantiam li-



brosam duriores majori quantitate substantia medullaris, tuberosa, pro parte in ichorem conversa, saepe fungo similis, dicitur fungus medullaris, talis subinde per degenerationem nervi alicujus producitur. In substantia hac medullari per ipsum processum inflammatorium efformantur etiam vasa sanguifera, subinde copiosa, e quibus effunditur sanguis, et sic tota substantia tumoris est rubra, similis placentae sanguinis, e quo tumore aperto effunditur sanguis majori quantitate, tumor cute tectus colorem rubicundum, subinde lividum habet, vocaturque fungus haematodes. Saepe detegitur in cancro substantia nigra, simillima pigmento nigro oculi. dicitur melaena, rarius et totus tumor scirrhusus e tali componitur substantia, vocatur fungus melanodes. Inveniuntur saepe et partes cartilagosae, osseae, calculosae et vermes etiam in scirrhuso et cancro, ita ut Adams causam proximam canceri statuerit esse vermes, in specie taeniam hydatigenam, quam tamen doctrinam investigationes recentiorum haud comprobant.

§. 21. *Diagnosis ulceris carcinomatosi iisdem quibus cancer occultus premitur difficultatibus, cum symptomata non possideat ita characteristicis, ut non cum aliis ulceribus indolis perversae et neglectis e. g. scrofulosis, syphiliticis etc. facile commutari possit. Interim ad rectam ducent Diagnosis: Symptomata supra allata, comparata cum symptomatibus characteristicis aliorum ulcerum; praegressus cancer occultus investigatio debita ulceris ipsius, ichoris effusi, ulceris carcinomatici textus, (secundum observationes Collard et Martigny tenet hic: albumen, gelatinam, substantiam pinguem, phosphorum, aquam et salia) partium adjacentium status, ipsum phaenomenon quo scirrhus in ulcus abit cum non more aliorum abscessuum rumpatur, cavitatenque constituat prae plenam, sed cuti solum secedente, sanies e tumore duro stillat, et serins solum profundius tendat malum, denique et ea observatio, quod ad usum remediorum emollientium, sedantium dolores mitigentur, irritantibus exasperentur, diagnosis illustrabit.*



§. 22. Prognosis ulceris carcinomatosi semper est infau-  
sta, eo magis cum resorptio virus carcinomatosi mox univer-  
salem producat dyscrasiam, vel quia frequenter fit ut haec  
dyscrasia jam simul cum ulceris evolutione adsit, ulcusque  
saepe potius pro effectu quam causa diatheseos praesentis car-  
cinomaticae haberi possit, praecipue ubi verum adest ulcus  
carcinomaticum. Prognosim determinat et organi dignitas, mor-  
bi gradus, extensio, causae, complicatio, vicinarum partium  
status, individui aetas constitutio, praesentia vel absentia  
passionis universalis. (e. g. febris hecticae, hydropis etc.)

§. 23. Cura ulceris carcinomatosi jam radicalis est, jam  
palliativa. Radicalis perfici potest, ubi ulcus adhuc notabilem  
degenerationem non produxit, ubi malum adhuc est recens,  
forte topicum, partes vicinae parum vel nihil adfectae, ubi  
individuum constitutionis laudabilis nec provectoris est ae-  
tatis. Contrarius status palliativam solum admittit curam,  
licet multi et in hoc casu se curam radicalem perfecisse gra-  
tulentur, ast probe notetur multas adfectiones glandularum  
ut sequelam inflammationis malum cancro summe analogum,  
nec tamen eum esse.

§. 24. Cura radicalis perficitur jam remediis dynamicis  
jam operatione ehyrurgica, quae posterior tunc tantum felici  
coronatur eventu, ubi symptomata supra exposita, prognosim bo-  
nam determinantia manifesta sunt quibus deficientibus, ulce-  
ribusque forte pluribus praesentibus, malum hucdum pro in-  
sanabile declaratum. — Ad remedia externa quibus saepe so-  
lis cura absoluta fuit radicalis, referuntur praecipue caustica  
omnis generis, (quae tamen in malo solum superficiali, nec  
profunde extenso e. g. carcinomate cutis proficua sunt) quo-  
rum praecipua; arsenicum, Butyrum antimonii, Kali caust. merc-  
subl. corr. sed et composita, praecipue pulvis cosmi, reme-  
dium a Hellmund detectum etc, — Ad remedia interna cum  
specifica in hoc malo non possideamus, omnia illa spectabunt,  
quae individuali singuli aegri statui maxime conveniunt. (Vi-  
de remedia interna in scirrho maligno laudata.)

§. 25. Celeberrimae, quae famam ephemeram meruerunt  
methodi anticancrosae hae fere sunt.

Methodus a Hellm und proposita, praecipue in carcinoma faciei laudata, his fere absolvitur: Ordinatur:

1. Pulvis sequens:

Rp. Arsenici albi,

Scrup duos,

Ciner. solear. calc.

Grana duodecim;

Sangu, dracon.

Grana sedecim,

Cinnab. fact.

Drachm. duas:

M. f. pulv. subtil.

S. Pulvis Cosmi S. Arsenicalis:

2. Unguentum balsamicum:

Rp. Bals. peruv. nigri

Extr. conii mac

ana Unc. semis,

Plumb. acet puri cryst

Scrup. quatuor;

Tinct. opii croc.

Scrup. duos,

Ungv. cerei

Unc. quatuor.

M. f. Ungv.

S. Ungv. Narcotico — balsamicum:

3. Unguentum compositum e prioribus:

Rp. Ungv. Narcot-bals. (2)

Unc. unam,

Pulv. arsen (1)

Drachm. unam:

M. exactissime,

S. Unguentum arsenicale compositum.

Parte adfecta debite mundata, ulcus molli linteo carpto, unguento arsenicali (3) aequabiliter illinito, ultra ipsos etiam margines sanos, ad crassitiem straminis extenso, obtegatur, quae deligatio omni repetitur die. mox post primam adplicationem exoritur dolor levis sensim increscens, ut et ulceris inflammatio, tumor; quae tamen molestiae mox disparent, ulcus extensione augetur, habitum offert luridum, tumque circa 5, 6 diem exoritur crusta in superficie, remedii igitur usus tamdiu continuandus, donec totum ulcus eschera tectum fuerit, duritiesque marginum disparuerit. Efformata crusta non mox removetur, sed adhuc aliquot diebus unguento arsenicali deligatur. Secedente eschera, ulcus unguento bals-narcot. (2) Deligatur, cura-que tota intra 5-7 septimanas absolvitur. (Rust's Magazin Bd 19. Hft. 1. Friedrichs u. Hesselbachs Beiträge zur Natur und Heilkunde Bd 2. Chelius Hbuch der Chirurg Bd. 2. Abth. 2.)

Methodus Cosmi sequens est.

Rp. Cinn. artef.

Unc. unam,

Sangu. Drac.

Unc. semis,

Arsen. albi.

Ciner. sol. vet.

ana Drach. unam.

M. fiat pulv. subtiliss.

Pulvis hic salivae ope in pulvem redactus, ulceri mundato et siccato ope spatulae adplicatur. Post adplicationem exoritur dolor gravis, inflammatio, tumor, quae mala adplicatione cataplasma. emol — narc. mitigantur. Decedente eschera si adhuc pars maneat impura, remedii usus repetitur, ulcus depuratum congruis tractatur remediis. —

Utraque methodus magnam exigit circumspectionem ob facilem intoxicationem arsenicalem.



Methodus a Baumann proposita, praecipue in carcinomate labii, faciei efficax, consistit in pulvere ex ana arsenici albi, nitri puri, Kali subcarb. et Rad. aronis alcoh. in quo plumacea e gossypio paratum saliva humectatum eousque volutatur, donec satis ab eo penetretur, tum ulceri mundato adponitur. Post 24 horas inflammatio dolorque gravis exoritur, nec tamen prius desumitur remedium, donec limes separationis partium morbosarum a sanis compareat, sulcus videlicet qui tertio die comparet therebintina et vitello ovi deligatur. Si seperatio 6-8 diem non subsequatur, remedium parti adfectae denuo adplicatur, tumque cura unguento thereb. terminatur; diaeta tempore curae sit antiphlogistica. (Dierbach 1. c. 2. Abth. S. 707. Salzburg. Med. Chir. Zeit. 22 Ergänzt — Bd.)

Le Febure sequens ordinat remedium; grana duo arsenici teruntur sacharo et in 2 libris aquae solvuntur, quod externe partim forma fomenti partim lotionis adplicatur, interne, mane cochl. uno cum Unc. una lactis et Drach. sem<sup>l</sup> Syr. papav. albi exhibetur. (Samml. äuserl. Abth. f. pract Aerzte Bd. 2. S. 4.)

Panacea anticancrosa Franc. Xav. de Marc constat e ferro, Sale ammon. spir. vini, oleo tart. et spir. vitr. quo remedio ulcus et ejus margines humectantur, exhibitis interne floribus sal. ammon. mart. (Justamond a. a. O. Dess. Tract. de Cancro, Vienn. 1777.)

Praeparata auri; jam aurum limatum jam muriaticum, tam externe, quam interne adplicantur, prius interne a gr 2 — 5 posterius ab  $\frac{1}{8}$  parte grani — gr. 4; externe a gr 4 cum unc. una adipis redacta in ungv. adplicantur. (Hufeland's Jour. 1823. Juni.)

Cuprum sulfuricum, externe forma pulv. adplicitum, ut et praeparata opii laudantur. (Hufeland's Jour. 1826. Mai.)

Stein et Westring laudant Decoct. Calend. off. ex Drachm. una ad Col. Unc. octo paratum, externe succum recte expressum plantae ejusdem forma linimenti.



Ullmann Profess. Marburgensis laudat Kali hydrojod: in unguento.

Chreston adplicat in carcinomate labiorum externae, infusum fol. lauroc. ex Unc. quatuor in aquae libris duabus.

Horn in carcin. mammae et uteri, lotiones cum acido borussico diluto proponit. (Horn's archiv 1822, Bd 1. S. 34.)

Anglici medici laudant ferrum hydrocyanicum forma unguenti. ( e ferri hydroc. Drach. una et ungv. Cetac. unc. una.)

Segalas d' Etchepare laudat natrium chloratum, topice forma diluta.

Weise qua specificum commendat, carbonem animale tam externe quam interne porrectum, exhibendo mane et vespere hujus grana duo, externe ulceri ejus marginibusque adspargendo. (Dierbach, neueste Entd. in der mat. med. 1829. 2 Abth. S. 546.) Denique et ferrum candens, moxa, pruna candentia, specula caustica, saepe cum usu adhibita fuerunt,

Kanko et pastam e Chlor. Zinc. Drach. duab. antim. chlor. Drachm. una, farin. trit. Drach. trib. et aquae q: s. ut fiat pasta, externe adplicandam commendat.

§. 26. Operatione contraindicata, vel facta exstirpatione ulcere tamen recrudescente, causticis incassum tentatis, palliativa suscipitur cura, quae experientia remedia statui praesenti accomoda, porrigit, sic ad mitigandos dolores narcotica, erethismo praesente aquam lauroc. Elix. acid. Hall, praesente febris hectica Nutrientia Valerianam, Calamum arom. Chinam etc. exhibet. Specifica quadam indole sopit dolores nimios, adplicata externe solutio hepat. sulf. cum extracto hyosc. adplicatio foliorum hyoscyami, plantaginis etc. recentium. —

## L I T T E R A T U R A.

---

Tissot, Diss. de Scirrho. Lugd. Bat. 1718.

Grashuygs, Exercitatio medico-chirurg. de Scirrho et cancro. Amstelod. 1741.

Peyrilhe, Diss. de cancro: quam duplici proemio donavit illustr. academia scient. humaniorum, litterarum et artium Lugdunensis. Paris. 1774.

Jaenisch, von dem Krebse und dessen Heilart. Petersburg. 1793.

Adams, Observations ou the cancerous breast. London. 1801.

Car-Michael, Essay on the effect of carbonate of Iron upon cancer. Lond. 1806.

W. Leurs, von dem Krebs. (Samml. äuserl. Abh. für. pract. Aerztr. a. d. Holländ. 18 Bd. S. 163.

F. J. L. Rouzet, Recherches et observations sur le cancer. Paris. 1818.

A. Scarpa, De Scirrho et cancro (Annali univ. di medicina, ab A. Omodei. 1823. Febr. p. 197.)

Walther, über Verhärtung, Scirrhus, harten und weichen Krebs, Medullar-Sarkom, Blutschwamm, Theleangiectasie, und Aneurysmen per Anastomosim. (Gräfes Jouru. 5. Bd. 2 Heft. S. 198. 4 Heft. S. 563.)

Récamier, Recherches sur le traitement du cancer par la compression methodique simple ou combinée, et sur l'histoire générale de la même maladie. Paris. 1829.

---

## THESES DEFENDENDAE.

---

1. Corporis animalis pars singula propriam vivit vitam.
  2. Typus morborum stricte intermittens non existit.
  3. Cutis organon respirationis secundarium.
  4. Nosotomiae in therapiam rationalem influxus summus.
  5. Somnus post p̄st̄um captus nisi pigritiei favet.
  6. Sulfur se habet ad hydrargyrosim ut mercurius ad syphilidem.
  7. Partus serotini possibilitas datur.
  8. Membrana vasorum fibrosa non muscularis est, hinc nec irritabilis.
  9. Ulcus carcinomatosum propriis instruitur symptomatibus nec facile cum aliis ulceribus confundi potest.
  10. Summa medici virtus — humanitas.
-

